

Script of Morning Gojri News Bulletin 29 October 2024 at 1015Hrs

ما رننگ گو جری نیوز بلیٹن مو رخہ 29 اکتوبر 2024

یوہ آکا شوانی جموں ہے مشتاق حسین تیں خبر سُنو۔

Terror Attack

اکھنور سیکٹر مانہہ گذشتہ روز فوج غی گڈی ور دہشت گردان غی طرفوں کیا گیا حملہ مانہہ اک دہشت گرد مار مکایو ہے۔ مہارا آکاشوانی جموں غا نمائندہ نے خبر دتی ہے جے اک دہشت گرد غی لاش ہتھیا ر سمیت برآمد کی گئی ہے۔ یوہ دہشت گرد حملو اُس ویلے پیش آيو جد دہشت گردان نے فوج غی اک ایمبو[ینس ور گو[ی بار ی شروع کر دتی۔ ان دہشت گردان غی تعداد 3 دسی گئی ہے۔ اس حملہ توں بعد علاقہ مانہہ اک وسیع آپریشن شروع کیو گیو ہے تے مزید فوج علاقہ مانہہ تعینات کر دتی گئی ہے۔ آخری اطلاع توڑی علاقہ مانہہ دہشت گردان تے سلامتی دستاں بشکار گو[یباری جاری ہے۔

Jal Shakti Minister

جل شکتی، قبائیلی امور، جنگلات تے ماحولیات گاو وزیر جاوید احمد رانا نے گذشتہ روز اپنا آبا ئی حلقہ مینڈھر غا بکھ بکھ علاقوں کو تفصیلی دورو کیو۔ اس دوران اُنہاں نے مقامی [وکاں غی ترقیاتی ضرورتاں بارے پُچھيو پل[یو تے اُن غی شکایات وی سُنیں۔ اس موقعہ ور اُنہاں نے افسراں توں علاقہ مانہہ جاری ترقیاتی کماں بارے معلومات حاصل کیں تے افسراں نانہہ ہدایت جاری کیں کہ وے ترقیاتی کماں نانہہ ویلے سیر مکمل کریں۔ اسے دوران وزیر موصوف نے کجھ مقامی سکولوں غو دورو کیو تے اُت طلباء تے اسکول غا عملہ سنگ گل بات کی ہے تے اداراں مانہہ طاب[اب علماں نانہہ فراہم کی جا رہی سہ[تاں بارے پوچھيو۔ اُنہاں نے اساتذہ تے اسکول انتظامیہ ور زور پایو کہ وے جدید تکنیکاں سنگ طلباء نانہہ معیاری تعلیم فراہم کریں تا نجے سکولوں مانہہ بہتر نتائج نانہہ یقینی بنايو جا سکے۔

PM Modi

وزیر اعظم نریندر موودی اج دھن ونتری جینتی تے 9 واں آیوروید دن غا موقعہ ور نوئی دہلی مانہہ صحت شعبہ غا تقریباً 12 ہزار 8 سو 50 کروڑ روپیاں غی لاگت گا بکھ بکھ پروجیکٹاں غو افتتاح تے سنگ بنیاد رکھیں گا۔ اس موقعہ ور وزیر اعظم آیوش مان بھارت پر دھان منتری جن آروگیہ یوجنا غے تحت 70 بہراں تے اس توں زیا دہ عمر غا تمام بزرگ شہریاں غا صحت پیکج غی توسیع غو آغاز کریں گا۔ وزیر اعظم ”یو ون“ پورٹل غو آغاز کریں گا۔ یوہ پورٹل ٹیکا کاری گا عمل نانہہ پوری طرح ڈیجیٹل کر غے حاملہ خواتین تے نکا بچاں واسطے فائدہ مند وے گو۔ اس توں علاوہ وزیر اعظم صحت غی دیکھ بھال کرن آلا پیشہ وراں تے اداراں واسطے اک ہور پورٹل غو آغاز کریں گا۔ یوہ پورٹل موجودہ صحت غی دیکھ بھال غا پیشہ ور افراد تے اداراں غا مرکزی ڈاٹا بیس غے طور کم کرے گو۔

DIPR Vilgiance

گذشتہ روز اطلاعات و عوامی رابطہ غا ڈائریکٹوریٹ نے جموں مانہہ اک عہد[ین غی تقریب سنگ ویجنس بیداری ہفتہ غو آغاز کیو۔ جوائنٹ ڈائریکٹر اطلاعات جموں اٹل گپتا نے

تقریب غی صدارت کرتاں واں تمام حاضر افسراں تے اہلکاراں نانہہ دیانتداری غا عہد غو حلف دوايو۔ جو انٹ ڈائریکٹر نے اپنا خطاب مانہہ عوامی خدمات مانہہ دیا نتداری غا اہم کردار ور۔ و کہلی۔ انہاں نے عہدیداراں نانہہ کہیو جے وے ان اقدار نانہہ اپنا روز مرہ غا فرائض مانہہ شامل کریں۔

LG Sinha Meeting

یفتنٹ گو رنر منوج سنہا نے گذشتہ روز سرینگر مانہہ کشمیر صوبہ غا تمام ضلعاں غی سلامتی صورتحال تے ترقیاتی پہلواں ور اک جائزہ میٹنگ غی صدارت کی۔ انہاں نے سلامتی غا تمام متعلقہ حکام نانہہ ہدایت کی کہ وے دہشت گردی غا خطرات غا سلسلہ مانہہ پیشگی کا روئی کریں۔ انہاں نے اس گل ور زور دتو کہ ملک دشمن پروپگنڈہ پھیلاں آلاں غے خلاف سخت کا روئی کی جائے۔ ایل جی موصوف نے دہشت گردی غا نظام نانہہ کچلن واسطے صفر رواداری غا نقطہ نظر تے سلامتی ایجنسیاں غے بشکا ر زیا دہ چوکسی ور زور دتو۔ یفتنٹ گو رنر نے منشیات غی بدعت با رے مسئلاں نانہہ فوری طور ور نمڑن تے اس غا نیٹ ورک نانہہ ختم کرن ور زور دتو۔

Chief Minister

وزیر اعلیٰ عمر عبداللہ نے گذشتہ روز محکمہ خزانہ غا کم کاج تے پیش رفت بارے اک جائزہ میٹنگ غی صدارت کی۔ وزیر اعلیٰ نے مرکز غی طرفوں چلائی جا رہی سکیمیاں غی طرف توجہ دین تے رونیو وصولی مانہہ بہتری غی تعریف کی۔ جد کہ اس گل ور وی غور کیو گیو کہ رواں سال بکھ بکھ سکیمیاں واسطے مرکز غی طرفوں فنڈ 10 ہزار 3 سو کروڑ ہیں جہیڑا کہ سال 23/2022 غا مقابلہ مانہہ زیا دہ ہیں۔ وزیر اعلیٰ نے اس گل ور زور دتو کہ تمام انتظامی سیکریٹری اپنا اپنا محکماں غا کم کاج غو جائزو لیں تا کہ وکاں نانہہ بہتر سہولیات فراہم کی جائیں۔ انہاں نے محکمہ خزانہ ور زور دتو کہ وے مالیاتی اصلاحات ور پیش رفت کریں تے مرکزی حکومت غے نال اضافی فنڈینگ غی پیروی کریں۔

Satish Sharma

خوراک عوامی تقسیم تے امور صارفین ٹرانسپو رٹ تے کھیل تے نوجوان خدمات غا وزیر ستیش شرما نے گذشتہ روز کھوڑ بلاک غو اک تفصیلی دورو کیو۔ اس موقعہ ور انہاں نے دس بکھ روپیاں غی لاگت غا بدوال توں گگریال سڑک ور۔ یک پان غا کم غو آغاز کیو۔ اسے دوران بکھ بکھ علاقہ جس مانہہ ہنومان چوک، میراں جوڑیاں تے ٹروٹی غا وکاں سنگ ملاقات کر غے اُن غی مشکلات سنیں۔ وکاں نے کافی عرصہ توں اُن غی زیر لیا توں شکایات نانہہ وزیر موصوف سانجہ کیو۔ وزیر موصوف نے وفود نانہہ یقین دوايو کہ اُن غی طرفوں چایا گیا مسئلاں نانہہ متعلقہ حکام تک پچایو جائے گو تے کھٹو کھٹ ویلے مانہہ اُن غو از و کیو جائے گو۔

PM Rozgar Mela

وزیر اعظم نریندر مو دی اج ویڈیو کا نفرنسنگ غے ذریعے روز گار میلہ غے تحت بکھ بکھ سرکاری محکماں مانہہ تعینات ہون آلا نوجواناں نانہہ 51 ہزار توں زیا دہ تقرری نامہ تقسیم کریں گا۔ مہارا نامہ نگار نے خبر دتی ہے کہ یہ روز گار میلہ ملک پھر مانہہ 40 مقامات ور منعقد کیا جائیں گا۔ بکھ بکھ وزارتات تے محکماں مانہہ مرکزی حکومت

مانہہ شامل ہون آلا نواں پھرتی ہون آلاں نانہہ کرم یو گی پرارمب غے ذریعے بنیا دی
تربیت حاصل کرن غو موقعو□بے گو۔ یوہ آن لا ئین ما ڈیول ”آئی گوٹ گرم یو گی“ پورٹل ور
دستیاب ہے۔ جت 1400 تون متا ای□رنینگ کو رس دستیاب ہیں۔
